

Makūtkūt in Kalijekłok & Jep

Ta in Kalijekłok?

Ilo Washington, juon bwod in kalijekłok ej nitbwil ilo an jab jiriłok, kokkure mweiuk, ak kamijak in nitbwil juon bar armej ak kokkure mweiuk ko an juon bar armej jen wōt ia eo armej eo ej itok jen e, kōlar in kil, kabuñ, ia eo baamle eo an rej itok jen e, ia eo eaar lōtak ie, ñe eṃaan ak kōrā, waween an kwalok e māke, ak nañinmej in utamwe ko ilo enbwil, kolmenlokjen, ak eñjake.

Jerbal in kalijekłok ej juon bwod eo elap ilo Washington, emaroñ wōr tarrin lalem yiiō ilowaan jikin kalbuuj im/ak \$100,000 wonāān. Juon armej eo ej iion kalijekłok emaroñ bar kōmman keej nae armej eo ej kōmmane jermal ko ñan e kin jorrāān ko rej walok, lak ñan \$100,000, im wonāān kōjerbale ļoar im wonāān ko ñan kōmman keej ([Revised Code of Washington \(RCW, Code eo emōi Kokāāl ilo Washington\) 9A.36.080](#)).

Ta in Jep?

Ilo Washington, juon makūtkūt in jep eo ej kwalok an lāj ñan bar juon armej **pedped ion ia eo juon armej ej itok jen e ak ļōmnak ej itok jen e, kōlar in kil, kabuñ, ia eo baamle eo an ej itok jen e, jekjek in citizen ak pejpetok, ñe eṃaan ak kōrā, jekjek in veteran ak pād ilo military, waween an kwalok e māke, ak an walok jabdewōt utamwe ilo eñjake, kolmenlokjen, ak enbwil ak an kōjerbale juon kidu ak mennin mour eo ej jermal ñan ro ewōr aer utmawe** ([RCW 43.10.305\(5\)\(a\)](#)). Laajrak in kōmelele kein ekoba kōmelele ko iumwin Washington kien in kalijekłok im kilaaj ko rej pād ilo kōjbarok iumwin Washington Law Against Discrimination (Washington Kien in Kalijekłok) ([RCW 49.60.030\(1\)](#)).

"Kwalok an lāj" ej melelein kwalok ļōmnak in kalijekłok ak jep ilo juon jekjek eo e jakōl, jab jouj, ak konan kōmman akwel. **Jep ej juon makūtkūt eo ejjab waloñlok ñan joñan makūtkūt in kalijekłok ak mōrō.** Waanjoñak in jep ekoba, ak ejjab wōr joñan ñan:

- Kōjerbale naan ko rekametak ñan juon bar armej pedped ion waween ļōmnak ko kake er ak kilaaj in kōjbarok.
- Kōmman pija ko kin jowi ak eddo ak jiñña ko pedped ion ļōmnak ko kin juon armej ak kilaaj in kōjbarok.
- Kajjirere kin juon armej eo ewōr an utamwe ak manit ak imminene ko an juon armej.

Jerbal in Kalijekłok & Jep Lain in Jipaň

Washington Attorney General's Office (AGO, Opiij eo an Attorney General) eaar kajjitōk ñan kōmane juon Hate Crimes & Bias Incidents Hotline (Lain in Jipaň ikkijen Jerbal in Kalijekłok ko Rej Walok) iumwin [Senate Bill \(SB, Kōtman in Kien eo ej etal ñan Kwaňkurōj\) 5427 \(2024\)](#), lōlā jen nitijełā ilo 2024 im karōk ilo [RCW 43.10.305](#). Lain in Jipaň eo ej aikuj lelok ñan ricall ro melele im jermal ko ilo jukjukin pād, rej lale ro rej iion jekjek eo, jellā kin manit, im jipaň kin mennin kamijak, ñan joňan eo elaptata, im pād ilo eloň kajin ko. Lain in Jipaň eo enij pād ilo Clark, King, im Spokane bukwōn ko jinoe jen Jułae 1, 2025, im pād belaakin state eo jinoe jen Jānwōde 1, 2027. **Lain in jipaň eo ejjab ñan ien idiň, im armej ro rej kall renij aikuj kurluk 911 ñe rej ripoot juon idiň.**

Jabdewōt eo emōj an iion jermal in kalijekłok ak jep emaroň kurluk Lain in Jipaň eo ñan ripoot juon jiriłok im bōk melele kin jermal ko, jokdoon jekjek in pejpetok. Jerbal in ukok ko renij bar pād. Jikin jermal ko Lain in Jipaň eo enij lelok rikall ro ñan e renij lelok eloň kain jermal ko, ekoba ikkijen ājmour in enbwin im kolmenlokjen; kien; jipaň ko rekka ñan manit; im kakajur armej eo ej iion e jekjek eo.

Melele ko rej kwalok kin juon armej ej aikuj ripoot ñan Lain in jipaň ej kōjbarok im eban driwaj ñan lobwilej. Melele kein ekoba et, et eo mōkta lak, juon bar et ej jermal, etan jinen mōkta jen an mare, raan an jikin lōtak, jikin jokwe, atōrej in mael, talboon nōmba, email atōrej, social security nōmba, nōmba in lijen in kattor, bank akkaun nōmba, im melele ko jōt remaroň kwalok kajeen juon armej ([RCW 43.10.305\(5\)\(g\)](#)).

Aikuj jen kien, Lain in jipaň eo ej aikuj kajjitōk ñe emōj an armej eo ej kall ripoot ñan jikin jermal ko rej bobrae jen an rup kien im ñe renij konan. **Lain in jipaň eo enij reilak wōt ñan jikin jermal ko rej bobrae jen an rup kien wōt ñe armej eo ej kall enij lelok melim** im enij kwalok jabdewōt melele armej eo ej kall ekonan kwalok. **Jikin jermal ko rej bobrae jen an rup kien rej aikuj kwalok waween topar lain in jipaň eo** ippān jabdewōt armej eo ej ripoot makūtkūt in kalijekłok ak jep ñan er.